

մայ թուրքացօղն [այսինքն՝ մահմեդականացողը - Մ.Կ.] թէ զըղջայ, րաղամ (հրամանագիր) առնէ ի շահէն եւ զիւր պահէ դարձեալ»¹:

Թէ ինչ գնով կարելի էր ստանալ Շահի հրամանը կարելի է դատել Giovanni Domenico Nazzario-ի Ապարաններից 1649 թ. նոյեմբերի 20-ին Հաւատաստիւոյի քարտուղարին գրած նամակից, ուր նա հաղորդում է, որ Օգոստինոս Բաջենց արքեպիսկոպոսի ջանքերով 30 հոգի որ առաջ մահմեդականացել էին նորից դարձան կաթողիկէ, քանի որ արքեպիսկոպոսի հետ «ահագին ծախսով» գնացին շահի մօտ եւ յաջողեցին: Հաղորդում է նաեւ, որ նրանց օրինակով այժմ ուրիշներն էլ գնացին²: Նոյն դէպքերի մասին Օգոստինոս Բաջենցը Հաւատաստիւոյի նախագահին գեկուցում էր, որ ստիպուած ծախեց արքեպիսկոպոսական մատանին, հովուական խաչը, որ նուէր էր ստացել Լեհաստանի թագաւորից, պարտք արեց 200 սկուդ՝ մահմեդականացած քրիստոնեաներին կաթողիկէ հաւատքին վերադարձնելու թոյլտուութիւնը Շահից ստանալու համար³:

Այնուամենայնիւ, նման դէպքերը եզակի ու հազուադէպ էին եւ երբեմն վիճակը այնքան էր ծանրանում, որ ժամանակագիրը երբեմն ստիպուած էր Արարատեան երկրում պարսկական տիրապետութեան անարդար լուծը «առաւել համարձակիլ ասել քան զօսմանցւոյ»⁴:

Ճիշտ է, պապերի, եւրոպական թագաւորների նամակների ու հայ կաթողիկոսների բազում բողոքների շնորհիւ շահական հրովարտակներով մի շարք անգամներ (1721, 1724, 1731, 1735, 1748, 1825 թուականներին)⁵ կասեցուեց այս օրէնքի գործադրութիւնը, սակայն գործնականում այն կիրառութեան մէջ մնաց ընդհուպ մինչեւ XX դարի սկիզբը:

1 ԲԱՔԳՆԷՆ աթոռակից կաթողիկոս. Յուլիան Դեռագրաց Դաւթիոյ ազգային Մատենադարանի Հայոց. Անթիլիաս, 1961, էջ 900:

2 SOCG, vol. 292, f. 262+273, 267-268.

3 SOCG, vol. 292, f. 295+298.

4 ԲԱՔԳՆԷՆ կաթողիկոս. Նշուած աշխ., էջ 900:

5 Շահական հրովարտակների բնագրերը համապատասխանաբար տե՛ս Մաշտոցի անուան Մատենադարան, կաթողիկոսական դիւան, Թղթապանակ 244, վաւ. N 255 (սրա բնագիրը չի պահպանուել), Թղթապանակ 1գ, վաւ. N 330, 333, 396, Թղթապանակ 4, վաւ. N 144: